

序

歲己巳若震奉

天子命作藩蘭州庚午調任  
南楚出入咸秦漢唐故  
都固己一至再至焉竊  
以昔人所稱神州奧區

咸陽縣志

序

一

天府陸海之勝輶軒所  
至留心周矚見其城郭  
人民川原郊鄙雖較繁  
于他邑而史冊所紀載  
詞流所艷稱者什不存  
一二焉盖古遠代夏父



命  
已非昔日之咸陽矣今  
年春復拜

旬宣陝服甫蒞事適咸陽  
令臧君應桐以志書來  
謁因取觀之陳編數帙  
荒陋簡率沿前明之舊  
咸陽縣志  
序  
於

本朝重熙累洽煌煌經制咸  
闡焉未備按籍徵事則  
又非今日之咸陽矣因  
思邑無志則不成治志  
非信則不成書何數十

年中速入斯土者皆蹈常  
襲故工以悠忽以將事也  
秋九月八日臧君乃以所編  
新志甜詞四帙二十二卷  
就正於余丐一言為序  
余披覽凡終卷輒撫然興

歎曰聽見哉咸令之能新  
其志且不愧為信志也  
筭凡起之例網舉目張其  
諸繁不亂而簡不遺者  
與定疆域則幅幘廣袤  
道里以如衢巷必詳核

堡咸載是能正經界重  
井牧也清田賦則恪遵  
賦役全書裁衛歸縣以  
糧載丁布絹無征土貢  
悉免而常平義社之附  
見汰制釐然矣章物產

順土地之所宜陳風俗  
覘民毗之所尚學校特  
申典籍得植世教之本  
人物大書忠節得正人  
心之原巨細洪纖悉衷  
王朝制度是之釐定此殆今

日之所謂咸陽者耶至  
於營厰必書所以辨耕  
牧之宜馬政農田兩利  
而無害也戶口畢紀所  
以識

盛世滋生之衆保甲編審叅

稽而無漏也凡皆深心  
密慮之所周而非尋常  
令長所能熟籌而詳載  
之者也他如畢郢豐鎬  
紀其地知成周吾薦忠  
貞以仁厚開基者不待

考諸詩書而遺烈宛然  
可思也宮殿樓觀臺池  
苑囿表其名知秦皇漢  
武隋帝唐宗後先數千  
百年間競華鬪侈土木  
崇麗咸消亡於荒烟蔓

草之墟而其盛衰得失  
之故亦披圖可按也若  
夫嬴秦失政時多僭亂  
舊志紀載失倫今則公  
陵壽陵夷諸墓王號  
帝號削就臣列其諸僭

竊失擬者一一釐正而  
改書之此又春秋大一  
王綱目重正統之遺意  
與吾知是志成而昔日  
之咸陽聲名文物風化  
日上也紀述百代之而

咸陽縣志

七

皇朝之宏規遠模表正萬邦  
包羅數千年而上而  
者亦且炳然煥然不又  
可即徧隅之具理徵六  
合之同風哉如此益信  
減君之吏咸為不誣矣

是尤足大慰余懷也夫  
是為序

乾隆十六年辛未歲冬

十月關中旬宣使者桐

山張若震撰



大凡宰一邑者必知一邑之風土人情而後可以化民成俗故邑之有志所以備載川原風物往蹟芳型使為吏治者藉以因地規情酌今準古敷政優優所從來矣矧咸邑為周原陸海最聖君哲相謨烈勲猷洋洋乎彪著千古余於甲申秋捧檄來蒞斯土慨然想見豐鎬之遺風退然不勝罔敢率爾言治因取舊志披閱誠欲得其今昔同異之故而思所以轉移化導之數月以來飲冰集木惴惴如一日也志為前令江君載筆蕭黃二公相繼脩葺其疆域形勝錢穀戶口人才物產固已犁然臚列洵足傳信古今但

咸陽縣志

卷首 序

一

自丁酉距茲五十年間賢達風流微文軼事湮沒弗紀者已不可勝數憶余於前乙丑丙寅中與王子元理元亮增纂我太平邑乘發凡起例分條晰縷猶有未安而今元理需次中翰元亮兩握銓篆紀綱班聯朝野稱君子余方以下吏風塵碌碌簿書乃欲從剝水殘山間收攬成編不亦難乎顧縉紳父老不無能言之者因不憚搜羅博訪採葺增補今而後庶幾一邑之風土人情恍然於耳目胸臆間而私心竊奉為金鑑孜孜朝夕匪懈以黽勉靖共聊為政教之一助云爾若曰脩志則吾豈敢昔康熙四十四年乙酉孟秋朔日

舊序

黃中璜

夫一代之治亂一代之信史記之至於郡邑之事則百無一二焉使郡邑而缺紀乘則山川風土錢穀徭役以及循良薦紳孝子烈婦之實千百世而下何所據以考正乎此志所由作而有心世道者均視為不可忽也咸陽地處省右在昔為西京故土則今稱關內名區前令江蕭二君後先脩志其節目次第文章議論炳炳麟麟已足昭示來許璜於庚子夏孟承乏茲土適茶使者許公省方之暇檄脩三秦通志而一時執簡諸君子復與璜有聲氣之雅因不辭鄙陋遂考之職方搜之家乘質之先達少為增削兼

咸陽縣志

卷首

序

二

附以俚語數篇雖不敢媲美始作後之采風問俗者按籍而稽不致有亥豕門閤之疑未必無小補云康熙二年癸卯孟春望日

舊序

蕭如蕙

昔余讀三輔黃圖常慕關中山川古蹟之勝甲海內強半出自咸京一邑內及筮仕此地索志以觀言舊志久湮其所存者乃前尹余鄉江子玉所纂也文質兼備彬彬然善矣按志攷蹟雖其川原如故風物如故其間有一二可議者亦姑俟之異日耳居無何南陵秦夫子視學關中甫下車即以脩志檄各屬余憶昔與公蓋以此

如斯世乎殷然以省方觀民之法如政無窮之心如  
風塵簿書寧不繁體隆懷亟公厥事於是未閱則有司於  
王君卿訓導楊君紹起輯訂則有文學張生爾新杜生必  
發王生調鼎許生際明前志中有畧者詳之溢者汰之匪  
時為政者權輿之庶蛇足與掛漏兩無弊也刻期工竣  
侯 憲裁蕙竊有感焉夫郡邑之有志即列國之有史也  
志蓋史之翼經之裔也脩之道有二以言著者如孟堅之  
綜覽百代耳剽目涉止足以彰典故以事垂者如禹貢之  
職方九州身任地歷實足以達時變惠之蒞咸身任其地  
者也重脩此志匪務以文著也灼知以彈丸之區自古為

咸陽縣志

卷首

序

三

全秦都會之要故其山川勝蹟聖烈王謨咸之所有者他  
邑所無至於供應繁駁民艱吏苦又他邑之所無者倍為  
咸邑之所有蕙不肖三載飲冰覆餗是懼幸際 秦天子  
以文獻風西土俾各屬之志成庶令職守者可以鑑芳型  
明經者足以識風化翊文運而廣學術詎細故也哉蕙與  
闔邑士誠嘉賴以不朽云順治十有四禩丁酉仲春朔吉  
舊序

江山秀

嘗考周禮著職方之典列國各有紀乘乘乃錄事備物  
史之義而和載之也咸陽固為豐鎬之舊自秦廢列國  
郡邑此地實為禹貢建邑之始歷漢以後都會多因

志名勝者靡不首推焉余於 皇正龍興辛卯春拜  
受符備員於此及入境目擊凋弊亟索志以考其興替  
之由不可得應者以板冊灰兵燹已久余不勝惘惘然憂  
皇皇然恨不能旦夕復之也竊意守土者無志而治猶如  
規而圓離鑑而照也師心自用迷害何窮倘觀風有  
應焉名區缺典於憲綱容緩計乎蒞事以來凡事裨地  
方者靡不殫精瘁力毅然任之惟此邑志非咨諏本地之  
文獻叅畫風土之乖宜能冒舉乎因共圖於庠翰侯君亦  
邑人文學三四友以襄厥事蒐獲舊志殘簡二帙亦疊疊  
焉善矣但歲久世遠宇文不無魚魯事變已多桑海因革

咸陽縣志

卷首 序

四

損益有不得不重輯而鼎新者亦時也勢也于是博稽秘  
典廣詢耆碩爰靡補漏寧質毋華寧直毋阿務以昭憲綱  
非敢炫文飾也數閱月而工始竣余披覽之愈不勝惘惘  
然憂皇皇然慮其有不逮者何蓋未悉以前猶可以參  
為得失今稽之土地有沿革矣考之又獻有明徵矣察之  
民物有定制矣揆之政事有先型矣抑軼焉師心之格  
免干 國憲負民社乎矧成邑列聖自善區也講烈燹  
於斯未墜今 上關睢伊始化洽周 甸每下重  
詔不敏秀承乏此地雖汲長綆短政 小輸盡  
之實仰體 聖化維新昭代 于英

也者地理獨詳於政治風俗其意之重責於司土者良有以也故三輔擅循良諸君子誠有所規鑑耳余之才與政固不能方古人於萬一而以司土自責之思殊無異肯也今日之志成實為自樹規鑑方圓妍媸將以式而自勉之也後之君子令此地者知與罪又奚辭焉因名之以乘然其義亦不無所竊比云昔順治九年壬辰仲春上浣之吉

咸陽縣志序

邑之有志紀載一同之書即通志

國史之本也辭尚體要義舉於則非三長兼擅者亦不與於斯應初隨先大夫任辱與浙東賢士遊粗知拈翰既以俸列賢書驟登仕版十餘年先後入秦學殖荒落其氣竦神涌欲成此書乃不以猥無片長抱歉負慚不亦安與惟是我

國家當奕葉重光之後德化洽於寰區如咸原之

咸陽縣志

卷首

自序

田賦有經民屯一畝審時之樂草蓆紫稗粟甘遂櫻桃土貢志免耕藉祭雩渭陽之墟有壇常平義社冀闕之野盈粟固初志所未有也敬司農錢綱維振肅渭城則故壘昇新卑陌則寢園重曜

旌揚時逮九井知崇鄉飲歲行五陵觀德是雖偏隅下邑亦實有沐浴既深日新月盛之象豈舊志趙張二令所能於秉筆時知來及此哉以故初志村屯一千六百五十三戶今則一萬五千二百二十

有奇矣初志載桑二千四百三十九株今則遠掘  
徧野雜更僕數矣初志城垣計四里一百五十三  
步今則周環八里有奇矣初志耆民一十八人書九  
十二者一今則踰百齡者二矣初志忠孝類皆安  
常供職之賢今則孤軍守歲罵賊不屈實有  
如待

旌之李都督致命遂志者魏晉相之出入河伯救  
親赴溺賣水傭之孝養繼母六旬不衰可歌泣  
者且在農氓編戶矣是皆足以規生風人物之盛

咸陽縣志

卷首

自序

二

而重有闕於

國紀憲綱洵不可不書迫不可不續且書之續  
之以昭法守光咸土者此也若謂豐程畢鄧聖  
君賢相所經營締造茲未忝故宮亦越二千  
餘歲惟靈臺靈沼其故址尚有存鵲者至祖  
龍混一築都咸陽北阪上離宮二百七十自楚人  
爭鹿回風之縱蕩焉也漢武營城斗牛通天  
承露亦元鳳以還且從風雨去矣李唐之代殿  
閣六闕迨漁陽鼓動不宮車草莽耶世吏

榛瓦礎耶世更代嬗運會遷移王氣沉銷  
圖滅沒則張皇幽渺亦何裨於憲綱  
國紀也哉今即間仍初本每多依樣葫蘆要  
自不支不漏體裁應爾在應桐六載咸官奔  
馳肆應刻不忘脩明志乘者正不在此雄勝  
湮淪表彰自予且為闡麗他邦計也第  
朝野百年居要者猶天球大訓細瑣者亦襟組  
碎金攷据未精諮諏未廣固陋濶踈之狀彌  
自媿耳然區區之心則固可披瀝共質也書成

咸陽縣志

卷首

自序

三

將付剞劂遂手自叙之如此

皆

乾隆十六年辛未孟秋月上澣之吉咸陽縣  
知縣東海臧應桐撰



咸陽縣志

纂脩

咸陽縣知縣丙午科舉人東海成應桐

提調

咸陽縣縣丞廩貢生姑蘇席紹章

參考

儒學教諭已酉科拔貢洮陽史謙

儒學訓導廩貢生靈武成嶺錫

原任石泉縣知縣乙酉科舉人魏成佩

原任阜平縣知縣庚子科舉人張瑒

咸陽縣志

卷首

姓氏

一

原任彰縣知縣已酉科拔貢楊仙枝

原任東平州同侯治經

內閣三禮館脩書王廷培

壬子科舉人劉志湛

丙辰科舉人真廷儀

辛酉科舉人許朝梅

丁卯科舉人谷居乙

貢士張廷瑞

副貢屈宗原

主劉訂